

連江縣志

人民部

官師志

國家遍郡縣而立之官何為乎蓋慮斯人之不治而委曲以爲之計也故授之正而復有佐予之長而仍有師而且備屬員選將弁先後而捍衛之主治者必如是而後盡其心夫分以職者課之以功而凡承流於下將必有宣導之實焉繫組縮符儼然來蒞非得曰若秦與越肥瘠不相與也矧夫膜外痼瘵不加之噢咻又從而斬艾之哉誠知託

連江縣志

卷之五

官師

一

在下風皆於我有待而篤饑溺之思聯體膚之愛其心亦罔或不盡將澤洽政孚爲一方立其命斯固官人之初意歟連初爲鎮其官制在古無稽及晉太康三年升爲縣舊傳立太尉一員太尉重臣非縣地所有必都尉校尉之訛今縣東北郊所祀吳李二公者是也然其名亦闕焉嗣是宋齊及隋代經五易所置皆不得其詳越唐中葉始有縣令一員簿尉各一員經學博一員助教一員其可知者

縣令二人而已

五代之際王氏建國職官一無所聞豈削而不書歟抑周



宋以前無載筆之人歟而論者或云唐時守令制於藩鎮故名蹟不載五代令長率賤役輿隸若是其沒沒宜矣至宋建隆元年分天下縣爲望緊上中下連爲中縣置知縣事一員丞簿尉各一員主學一員知縣擬差京朝官此自崇寧三年始也前此民不及萬戶故未有丞至宋登其數始置丞崇寧間裁及政和朝復設有宋三百餘年

知縣事之可知者凡一百有五人

縣丞之可知者凡六十人

主簿之可知者凡四十五人

連江縣志

卷之五

官師

二

尉之可知者凡六十五人

主學之可知者凡四人間雖不無遺失而畧已具舉焉

元興建官多仍前朝其不同者在縣有達魯花赤以蒙古人爲之太祖十八年設以監治郡縣是時連尚未轄至至元己卯歲宋亡而連始有此官所謂達魯花赤者元語也取統轄之義也改主學曰教諭又別立典史一員亦新制者自至元十六年迄至正二十七年其可知者

達魯花赤凡二人

縣尹凡十一人

主簿凡五人

尉凡一人

典史凡一人

教諭凡七人縣丞僅傳其官而絕無可考矣

明分天下為司府州縣連設知縣一員縣丞一員主簿一員典史一員學官教諭外復增左右訓導至崇禎四年始裁其一不設尉者以典史兼之也自洪武元年至崇禎末運

知縣凡七十一人

連江縣志

卷之五

官師

三

縣丞凡六十九人

主簿凡五十八人

典史凡五十五人

教諭凡五十五人

訓導凡七十六人此往代秩官之可志者也

國朝監於前古官不易方康熙四年大裁天下冗員於縣革主簿於學革教諭至二十年復設教諭所以重學政也自順治元年至

今上御極五年

知縣凡二十五人

縣丞凡八人

典史凡一十四人

教諭凡一十六人

訓導凡一十七人皆得一備書至於雜職微員連所代有在唐則置監稅務一員專司鹽法者在宋則置監商稅務一人兼理雜稅者也有荻蘆寨水軍統領福州興化都巡檢一員不設於縣者荻蘆福興水道之要衝也元置巡檢二員一寧善鄉一名聞鄉務官三員有大使副

連江縣志

卷之五

官師

四

使提領之目際留倉官二員亦兼大使副使之稱其人今多不傳所知者宋

監商稅務凡四十人元

巡檢凡二人耳明則設蛤沙巡檢一員復移北茭正統十二年革河泊所官一員萬曆間革僧會道會各一員稅課大使一員醫學訓導一員其可知者

巡檢凡二十五人

河泊所官凡一十二人

課稅大使凡八人職雖微皆由京差故載筆及之

本朝惟巡檢爲

勅差順治十八年移設東岱所以嚴江口之出入也歷今得

巡檢十三人此其可考者他若醫學訓術僧會道會率由本省布政使司劄委不勝枚舉蓋可畧者則畧之而已至於武職者詰戎兵之官也漢唐之世軍旅大率兼於州郡或以方鎮統其任宋元之統縣兵者其職雖莫考然有水軍統領及都巡檢之官或卽統兵之職歟今其人不可知惟明季以備倭設水福標遊擊一員小亭寨總兵一員

連江縣志

卷之五

官師

五

欽依把總一員其以才而著績者傳

遊擊三人餘亦皆泯滅焉

國朝捍禦多方於水陸提鎮外規地險要以爲駐防連瀕海之區設遊擊一員守備一員千總二員把總四員以視前代規制詳備爲挈其統領者綜而計之得

遊擊凡二十九人

守備凡二十一人其任重宜不得而外之也夫蕞爾一隅有民人焉有社稷焉有子弟家室焉輯柔奠定教誨維持繫誰之賴也國家任羣材分理庶職所以爲斯人計者

精密而不遺則以其命敷之於治亦庸可無念哉蓋至閱
千百年而猶登此方之版撫我虐我一披卷皆如見之卽
奈何不此之謹廩也

官師題名

唐縣令

以前無攷

劉逵

有傳

李展

宋知縣事

吳舉

鞠仲謀

端拱二年任有傳

黃昱

王應同

連江縣志

卷之五

官師

六

洪中

孔正巳

陳宗瀚

張鎰

蔡仲偃

閔昌言

黃彝

陳珪

汪湖量

俱慶曆間任

梁宋臣

朱定

處州人嘉祐元年任有傳

鄭伯英

唐倚

郭衍

趙炎

俱治平間任

毋允臧

毛國華

陶公問

黃僎 建寧人

徐大諒

鄭前

陳華

林阜

石固

毛勉

郭師厚

鄭永中

劉敘

開封人俱建中靜國間任

陳律

崇寧三年任

許安雅

崇寧五年任

張鑑

鄭事道

俱大觀間任

謝燾

許紹

陳常道

傅資奎

南安人

連江縣志

卷之五

官師

七

方來

陳思立

黃涿

有傳俱政和間任

洪壯

能詩連山川多其題詠

江定國

鄭壽

姚寘

葉武

俱建炎間任

林煥

楊環

方俟

興化人紹興二年

何志應

唐宗之

林覺

處州人紹興七年任

方暘

通志作賜興化人

阮珪

紹興十年任

林茂

陳彥才

高倬

陳夢符

王習

葉柯

邵武人 紹興二十年任

上官端

紹興二十年任

陳巖

隆興二年任

晁子闔

乾道三年任

曾綺

乾道六年任

曾模

乾道九年任

趙伯炎

淳熙二年任

祝松年

淳熙四年任

蘇懋

眉州人 淳熙六年任

趙不爚

淳熙九年任

許錫

淳熙十一年任

傅伯成

淳熙間任 有傳

邱何

紹熙二年任

王仲卿

慶元元年任

趙善諡

慶元四年任 有傳

連江縣志

卷之五

官師

八

何澈

嘉泰元年任

洪相

嘉泰二年任

蕭仲徽

開禧元年任

趙善嵩

嘉定元年任 有傳

李子清

邵武人 嘉定四年任

陶武

嘉定六年任 初修連川志

王渭老

嘉定九年任

趙汝訓

臨安人 嘉定九年任 鑿鳳凰池培文山留

心學政德 在連士

劉世均

嘉定十三年任

惠棐

臨安人 嘉定十六年任

木洙

嘉定十七年任

何處得

處州人 寶慶二年任

王仲虎

温州人

曹欽

臨安人

趙宗魯

南劍人 端平間任

王煒

温州人

趙希譽

饒州人 俱嘉禧間任

潘鑒 婺州人淳祐二年任 陳龍用 泉州人淳祐四年任

濟橋垂百年將圯龍用捐俸重修至今民享其利 游義肅 淳祐六年任有傳

洪天賦 興化人淳祐十年任 趙士遜 淳祐間任

陳沆 漳州人寶祐元年任 趙與併 漳州人寶祐四年任

趙同卿 温州人寶祐十年任 曾擬 建昌人景定二年任

陳遇龍 温州人景定五年任 趙與芬 温州人咸淳三年任

宋日隆 眉山人咸淳五年任有傳 劉淙 咸淳間任

宋縣丞

吳達 劉汝強

連江縣志 卷之五

官師

黃駘 邱至

徐瞻 陳舜鄰

劉坦 陳秉文

陳康侯 虞樛

謝襄 李汾

王習 陳克誠

謝師顏 李國紀

林闡 通志作闡 張泳

程燾 王宗衡

趙善崇

林若稽

張君顯

劉仲光

翁國瑞

蔣介卿

黃瀚

王問詩

十朋子
溫州人

劉稷

翁公南

毛嘉會

劉友直

趙善卿

林千之

方世功

趙善臚

有傳郡志誤
作知縣事

薛師雄

趙彥併

連江縣志

卷之五

官師

十

吳煥

張濤

陳塾

陳武子

吳大有

蔡規甫

江季明

宗炳

南劍人

莊夢周

泉州人

徐總

一作驄
建寧人

趙搢夫

蔣然

成公策

趙彪夫

建寧人

陳焯

建寧人

黃原善

趙時宰

嚴州人

黃廣

南劍人

連公孫 建寧人

蘇英公 興化人

丁世修 婺州人

彭王容 建寧人

宋主簿

宋朝倚

胡試功

楊觀

龔况 蘇州人多吟詠

林大受

趙希瑚

石慤

陳舜韶

林豫

蔡牙

杜渭

林襄

連江縣志

卷之五

官師

士

郭忠順

徐應龍 建寧人

馬興詩

唐詠

徐大受

李冲

黃張

徐伯麟

趙信瑚

汪之瑞

姚元哲

趙汝標

趙希吉

張安

楊元勳

王權

周元舒

林埜 建寧人

傅霖

林起犀

趙俊夫
紹興人

方克昌

楊慶祖

吳述

吳光

張桂子
建寧人

范文中
建寧人

林陞翁
溫州人

張駢
建寧人

趙必平
溫州人

趙興溪

張瑞

黃琮

宋縣尉

連江縣志

卷之五

官師

十三

崔偓佺

封邱人與兄熙正並舉進士淳化中歷福州連江尉判國子監除為直講咸平二年上幸國學名說尚書賜緋見宋史崔熙正傳然則崔乃於宋太宗時尉連舊志列於唐代誤矣

許陟

劉立之

黃璘

王景純

嚴慤

元及

羊希旦

錢誠

王輅

陳戒

游慥

韓正宗

李秀實

林瀛

葉純

傅宗說

蘇廷芳

林武仲

林宗可

黃庚

葉斌

陳登

任玠

章鑑

葉庇

洪選

方瑋

趙公昇

朱泳

費培

趙汝珩

傅兆

連江縣志

卷之五

官師

三

婁世功

陳夢烈

趙時英

康夢庚

趙崇環

傅邑

謝宜中

嘉定九年任

楊紹綰

張榮宗

朱誠之

余景瑞

王致知

趙質夫

顧儒傑

林洪

興化人

陳夢晝

趙宗陶

溫州人

樂瑜

臨安人

姚孝淳

趙必溜

趙與潔

李嗣宗

泉州人

臨安人

陳大慶

余亢宗

溫州人

興化人

趙璠夫

爰午鳳

溫州人

漳州人

陸浚

趙必臈

建寧人

溫州人

余仲望

黃希愈

溫州人

楊紹

林桴

宋主學

曾銓

侯官人

顧遇龍

福清人

連江縣志

卷之五

官師

十四

池興

陳厚宗

宋監務

曹咳

曹絃

孫常亨

楊松年

王師忠

陳椿

閔汝絃

李寅

高子壯

宋衛國

張璿

周瑞仁

王弼

蘇駸

吳如愚

左琦

李時益

薄孜

高杕

毛師雄

任大節

張嗣祖

任思文

王大昌

吳鼎臣

沈世求

葉珏

朱作霖

沈大亨

金鎬

姜更生

溫州人

俞允仲

連江縣志

卷之五

官師

五

謝方新

陳季膺

黃斌

趙宗溱

本縣人

陳貽孫

傅諸

劉元瑤

建寧人

孟養浩

處州人

元達魯花赤

拜任

泰定間任

沙耳赤

元縣尹

竇茂發

董政

俱至元末任

曹修

夾谷德明

李榮 汶上人延祐間任重修邑志

馬合謀 保定人

柯泰

成和 俱天曆間任

楊大源

施有政 至正十一年任

元主簿

林梅臯

普顏不花

王克恭 長溪人俱天曆間任

何漢傑

楊節 俱至正間任

元縣尉

楊爍

連江縣志

卷之五

官師

十六

元典史

盧均用 龍巖人由薦辟任

元教諭

安直 至元十九年任

林興 元貞間任

徐復 皇慶元年任

林坤光

謝榮

李希章

朱文峴

元巡檢

蔣興 通志作主簿

劉濬 有傳

明知縣

王德欽 洪武元年任

李添賜

張奉宗

濮陽榮 太平府人

張益

范希節 有傳

李鳳 有傳

林伯錫 華亭人

梁璧

李元順

侯炯 有傳

慈善 濟州人

胡昂 江西人

羅敏學 龍江人

伍昇 萬載人

王真 歸安人

連江縣志

卷之五

官師

七

楊庭芳 衡州人進士以廉謹聞

董庸 照縣人俱永樂間任

劉仲戩 廬陵人宣德間任

周弁 正統二年任

吳琳 正統十年任

歐陽瀚 景泰間任有傳

李俊 宛平人天順七年任

孫珽 鄞縣人成化間任

李紀 江都人進士成化五年任

章武 臨川人進士成化十年任

林鴻 遂安人

凌玉璣 山陰人成化十四年任

陳昱 玉山人成化二十一年任

黃蔭 歸善人弘治二年任

郭軒 有傳

葉清 遂昌人弘治十五年任

胡昶 湯溪人弘治間任

張鎮 江陵人正德二年任

杜煥 穎上人正德五年任

吳笈 池州人正德六年任以焚賊訟斥

陳賢 番禺人嘉靖四年任

顏德倫 安福人舉人嘉靖間任為政以寬民德之

李蘭 餘姚人嘉靖間任

區燦 南海人嘉靖間任

何天衢 通州人嘉靖間任

洗謨 南海人嘉靖十八年任

袁鑑 嘉靖二十一年任有傳

向鎬 上元人嘉靖二十七年任

金國襄 安鄉人嘉靖三十年任

史元功 鄞縣人嘉靖三十六年任

朱思忠 新濟人嘉靖三十七年任

熊尹臣 新昌人嘉靖三十九年任

林思貞 廣東人嘉靖四十三年任

曾以學 廣東人

朱應辰 黃巖人隆慶間任

張聘夫 隆慶間任有傳

連江縣志

卷之五

官師

十六

張賢 順德人萬曆二年任

劉烜 山陰人能詩工書法有名士風流

朱應奎 新會人

盧學易

張初旦 新會人

錢九思 泗州人進士繼後而貪降州判去職

洪信 廣東人

蕭穀 萬安人舉人有傳

方以知 進賢人

劉希夔 平湖人

程邦僑 上饒人

宋應祥 餘姚人俱萬曆間任

萬德鵬 宜興人舉人潔已愛民去任日衆為圖像

沈士奇 吳縣人進士天啓間任

于可舉 澧州人崇禎五年任有傳

唐廷彥 夔州人崇禎十年任居官廉謹

翁兆雲 浙江人崇禎十三年任

傅元禎 金華人貢生崇禎十五年任以貪敗 張天麟 永嘉人

明縣丞

王禧

宣栗 通志

譚彥濟

商準 有傳俱洪武間任

徐福同

揭陽人進士

王拜住 絳縣人通志闕

壽安仁

以下五人舊志列於黃永初之下今依通志改正

皮士誠

黃子政 遂溪人有才名郡司稱其能

徐進

蔣永昇 宜興人信以喻民一時悅服

梁善

梧州人舉人

朱允明 饒州人

連江縣志

卷之五

官師

九

翁彥忠

壽昌人

黎安 南海人俱永樂間任

蘇全

慈谿人宣德間任

薛本

李郁

葉閏 正統間任

黃永初

景泰間任

駱宣 歸善人

徐英

歸安人

陳諤 麗水人

胡珮

弋陽人

李林 崇明人俱成化間任

徐學遠

進賢人

郭洪 鹽城人

陳禹

太平人

龔岳 臨川人俱弘治間任

歐昱

茂名人

徐澄 吳縣人俱正德間任

王魚 安福人

顏繡 通志作秀宜春人在公勤慎催科有法

單賓 無錫人嘉靖十五年任捕寇中鵠里戰死

陳瑞 沅江人 楊達 邳州人

吳袞 進賢人 陳仕 上虞人

熊儀 豐城人 朱鳳

陳鳳翼 廣昌人 于業 嘉靖四年以南京提學御史左遷

諸葛昇 蘭谿人嘉靖四十二年任 陳厚 邳州人

謝思聖 潘潮 俱隆慶間任

金巖隆 休寧人居官廉明 高鈇

連江縣志 卷之五 官師 三

孫春芳 呂洲

龔瑞 江西人通志闕 徐仕芬 衢州人

孫繼謨 青陽人 賀紹元

錢之珍 劉偉 吳縣人

羅應曉 貴州人由知縣降卒於官通志闕 蔡時新 上元人

王道循 南安人俱萬曆間任 邵時新 蘭谿人

邵繼堯 四會人 施維德 紹興人

盧洪信 紹興人卒於官通志闕俱天啓間任 白元濬 紹興人

羅萬善 四川人 姚士純 錢塘人

胡應泰 紹興人

羅文俊 四川人 通志闕

宗光祖 南直人 崇禎間任

明主簿

梁敬 通志闕

鮑近人 上虞人 洪武七年任 忠恕及物民皆愛附

林芳

戴從宏 通志闕

韓文範

張仁卿 通志闕

田祐 通志闕

鄭浩

楊安 俱洪武間任

焦升

李瓊 廣濟人

譚恩 長沙人

連江縣志

卷之五

官師

三

楊子俊 華亭人

黃鑑 臨江人 永樂間任

洪仕勉 進賢人 宣德間任

江英 長洲人

潘文 俱正統間任

陳道祐 高安人 景泰間任

曾瑄 臨安人 天順間任

陳毅 高安人

李彥瑄 東莞人

桂金 石城人 成化間任

俞志 象山人

傅榮 貴溪人

沈吾 嘉興人 弘治間任

諸輔 定海人

劉相 增城人

邱輔 新淦人 正德間任

梁舜賓 興國人

劉瑞 高安人

李邦相 昌化人

吳邦 嘉興人

黃臬 蕭山人

祖鶴年 海鹽人

錢南土 嘉善人

倪景晉 新縣人

湯棟 六安人

唐謙亨 南呂人 俱嘉靖間任

朱守玉 樂清人

朱朝尹 蘭谿人

朱子威 俱隆慶間任

李景顏 徐州人

張星耀

蔡挺發

徐登霄

傅節

孫餘禎

陳朝

連江縣志

卷之五

官師

三

田稅 麻城人

劉任選

陶民獻

童蒙敬 昌化人

鄭應樑 歙縣人 俱萬曆間任

尹富 定南人

劉鑄 昌樂人

章經用 會稽人 俱天啓間任

曹相國 興國人

吳正學 會稽人 崇禎三年裁革 連主簿止於此

明典史

王士毅 通志闕

張本 通志闕

潘辰 湖廣人

趙真 有傳 俱洪武間任

夏昱 嘉定人 通志闕

黃彥祥 嘉興人 通志闕

劉真 開封人有才

許應

朱宣

李安 烏程人俱永樂間任

余善

陳雷 會稽人

陳華 鄞縣人

梁必通 鄞縣人成化十四年任

區昭

四會人成化十八年任

楊鏞

麗水人

洪景

龍游人

張崇

黃巖人俱弘治間任

卜仲寬

六安人正德十一年任以追捕餘寇死於鳳巖

唐相

灌陽人有傳

董文林

南海人

傅春

慈谿人

趙琛

東莞人

連江縣志

卷之五

官師

三

雷鳴

新寧人

陳華

合浦人

周玠

餘姚人

劉道恩

四會人俱嘉靖間任

黃誌

當塗人

許廷璽

西安人

郭廷鶴

陳袍

章天益

徐瑤

徐良佐

侯鳴時

潘漢

鮑拱辰

許成名

黃文宸

朱賢輝

周文盛

黃文炳

孫潮源

上元人

陳思聰

永嘉人

孫日秀

宣城人俱萬曆間任

李必忠

通志關

秦斌

山陰人

曹尚及

宣城人

單孔學

山陰人

劉士旂

安福人俱天啓間任

何元燦

南京人

杜之盛

廣東人

蔡國瑞

無錫人廉而郵民邑為立碑誌之

沈傲燭

湖州人

王元相

浙江人俱崇禎間任

明教諭

鄭子榮

李瑛

連江縣志

卷之五

官師

三

許貞

以上三人依通志補入

周霖

洪武二十八年任舊志教諭始此豈二十

八年以前連獨無學官乎從通志是

吳廷奎

本縣人

高宗玉

延平人

陳乾

吳川人

李聞韶

依通志補入

鄭嗣善

依通志補入俱永樂間任

鄒幼學

呂迪

俱宣德間任

郭誠

汪廷貴

淳安人俱景泰間任

游貴

歙縣人天順間任

傅榮

錢塘人

梁初

豐城人

嚴昭

四會人俱成化間任

李慶

順德人

沈珪

會稽人俱弘治間任

龍宣和 順德人

魯禎 望江人

戴良德 宣平人 俱正德間任

何章 貴溪人

王庠 遂昌人

梁鏞 高要人 舊志作劉鏞

張沈 龍泉人

譽紹芳 南海人

范椿

邵于遷

劉元 泰和人

許尚卿 舉人

呂中臨

袁濂 雲南人 嘉靖四十二年任

馬子驥 嚴州人 嘉靖間任

諸應相

劉起鵬

徐龍

連江縣志 卷之五

官師

三

郭春渠

吳南

黃懋材

符廷柏

劉克修

施三畏

劉天秩

莫先魯 舉人

熊維新 舉人 萬曆間任

馬用錫 泉州人 舉人 天啓間任

黃繩武 舉人

賴墀

顧同禹 全州人 舉人

王膺錄 泉州人

厲立身 浙江人

張作輔 泉州人

下時新 楊州人 俱崇禎間任

明訓導

郭敏道 懷安人

孫沐 本縣人舊志誤作休

劉得善 懷安人

揭純 江西人

江同 婺源人

陳悠 平陽人

施彥光 閩縣人

黃彥貞 閩縣人

劉福 懷安人

吳嗣善 金華人

賀濂 俱洪武間任

劉鐸

項善慶

范總 俱永樂間任

劉璿 永嘉人

張猛 會稽人俱景泰間任

連江縣志

卷之五

官師

三

李馥 黃梅人天順間任

周鶚

錢賓 江寧人

吳正 南城人

林茂 永嘉人

魯能 常山人俱成化間任

劉哲 歸善人

李希文 臨海人

吳瑩 大庾人俱弘治間任

薛俊 揭陽人有傳

朱佐 金華人

程文 績溪人

姚實 贛州人

徐鍾正 西安人

毛濬 西安人俱正德間任

陳九敘 東莞人

李直 臨川人

劉恩 龍南人

李瀚 武義人

李若愚 增城人

陳韶 永嘉人

李倬 雩都人

黃鐘

莫由

胡樂 嵯縣人

陳謨

葉允明

區式 俱嘉靖間任

鄒敏

俞香 隆慶間任

聶士元

俞珀

楊綦

洪中立

鄭儒修

楊志諭

連江縣志 卷之五

官師

三

劉志南

李重華

吳時途

羅仰臯

柯萬選

李紹芳

李華元 惠安人

林尚鵬

勞序義

易見龍 新淦人

柯應鳳

楊成教 餘姚人

張懋弘 吉水人

陳蓋臣 歸善人

張大基 福寧人

鄭維嶽 楚衛人

鄭應槐 莆田人

施朝綬 永春人

天啟間任

張大源 浙江人
通志闕

黃廷華 泉州人
通志闕

曾永和 萬州人

周之朝

徐糾卿

劉春陽 俱崇禎
間任

明蛤沙巡檢 正統十
二年裁

李定安

徐直一

許斌

管元凱

白時魯

姚桂魁

匡祐

余信

陳式

連江縣志

卷之五

官師

天

明北菱巡檢

李朝英

武可遵

李文遜

沈進

夏忠

張玉

張英

孫獻

時昭

方鏜

董志

巫世南

章守言

祝廷宣

梁欽明

方復初 南直人

明河泊所官

衛文傑

阮睿

陸祖明

葛宗光

李願學

李永

徐文曾

廣州人
生員

宋徵

官宗思

李柰

李錦

鄭賢

明稅課局大使

張希曾

王友

連江縣志

卷之五

官師

五

胡珀

黃朱南

鄧肅清

王禦榮

計昇

俞榮

明遊擊

沈有容

寧海人萬曆間駐定海所屢有戰功
與俞大猷秦經國並稱洗海飛將

陳鵬

以忠勇
有聞

安國賢

國朝知縣

宋人望

錢塘人貢生順治
三年海寇陷城死

齊象先

遼東人
拔貢

楊繼生

閩州人
有傳

毛國調

遂安人
貢生

常爾澡 翼城人 舉人 梁克猷 鄆城人 貢生 俱順治間任

周雲龍 武城人 舉人 徐甲第 北直人 筆帖式 人舉人

王仁灝 無錫人 貢生 富 閔達 江西新城人 舉人

張雲槎 浙江長興人 進士 盧瑀 東莞人 舉人 康熙三十二年任

李毓英 全椒人 舉人 康熙三十二年任 金以壺 鑲藍旗人 俊秀 康熙四十年任

王孚 高淳人 進士 康熙五十年任 蘇習禮 山東人 進士 雍正元年任

周必遵 寧國人 貢生 雍正二年任 劉良璧 衡陽人 進士 雍正三年任

彭之曇 湘潭人 貢生 雍正四年任 于沛 營山人 監生 雍正五年任

胡宗文 金谿人 舉人 雍正六年任 王玲 芮城人 由生員保 舉雍正八年任

連江縣志

卷之五

官師

三

陸鶴 海鹽人 舉人 袁本濂 阜平人 監生 雍正十一年任

戚炭言 德清人 進士 雍正十二年任

國朝縣丞

康熙五年 康熙五年

袁養民 山西人 恩貢 順治三年城陷於寇死 袁用相 新城人 順治十二年城陷而死

歸國禮 浙江人 吏 員通志闕 王來賓 良鄉人 吏員

鄧希開 山西襄陽人 貢生 俱順治間任 鄭元吉 餘姚人 貢生

屠嘉慶 尉洪勳 內邱人 貢生

國朝典史

焦汝振 江南人 順治三年死 寇難 錢時振 山陰人

劉權

義烏人

潘一忠

會稽人

李永春

俱順治間任

別文惠

富平人順治十七年任有傳

何漢相

山陰人

樊秀

山陰人

李文祥

紹興人

張重德

河南人

楊文樞

浙江人

王煦

上虞人

谷怡

順天人

嚴慎

山陰人

國朝教諭

康熙初裁至二十八年復設

張俊

江西人貢生海寇陷縣死

王一經

晉江人

富明新

晉江人舉人

王陞

通志訛作陞同安人舉人

連江縣志

卷之五

官師

三

李鼎璜

晉江人

康天陞

莆田人貢生潔已愛士

丁楷

德化人俱順治間任

張紳

永春人貢生隨奉裁

富懋業

晉江人明新之子例貢嘗重建啟聖祠復設教諭始此

陳道銓

福州人長泰籍

康卓然

海澄人

王守謙

晉江人俱康熙間任

劉榮春

莆田人副榜

周祖詒

海澄人副榜剛介自守教士有方雍正四年任卒於官

何白

莆田人舉人卒於官

王子鑑

永定人舉人

國朝訓導

陳台臣

福安人

黃麟瑞

沙縣人俱順治間任

施鴻 邵武建寧人

鄧芳昇 南平人

楊敬 建陽人 有才學

周步新 崇安人 恩貢

陳采 永安人

楊喬芳 永安人

鄭應春 龍巖人

林如春 晉江人

吳膺璜 平和人

鄒淑 邵武人

范繼淹 甌寧人

林楷 建安人 康熙間任

李元碩 安溪人

戴漢 長泰人

陳鵬南 同安人 臺灣籍

國朝北茭巡檢 順治十八年移入內地改設東岱

連江縣志

卷之五

官師

鈕一廉

劉胤乾

馬啟光 浙江人 俱順治間任

魏應宿 山陰人

謝肇封

沈翔昇

張嵐 山東人

喬傑

屠宸樞 俱康熙間任

宋文魁 湖廣人

羅開勳 江夏人

張世榮 分水人

張啟源 山陰人

國朝遊擊

張一虎 順治六年任戢兵安民尋改防定海所

倪光友

李祿

胡希孔

治兵有紀律後陞聞安副總海寇圍鎮死之

宋天祿

順治甲午殲海寇東岱堡戰功甚著

范拱辰

進士

張有才

李應先

劉正朝

俱順治間任

王用升

會稽人康熙三年任勇敢有智畧剿捕山寇出奇制勝境內以寧

李成海

成都人軍政嚴明

劉思恩

劉秉禮

京衛人進士樂易愛民

侯大經

山東人

衛聖疇

山西人舉人值耿逆亂平蕩滌煩苛與民休息尤嚴以制兵無使侵剋去之日民為建亭郊外

連江縣志

卷之五

三

旌曰
懷德

劉信

劉承廉

江西人

樊大綱

楊州人進士持已不苟馭衆有恩

興王政

饒黃旗人

李必顯

山東人

王萬化

榜眼

許甲

樂之楓

蓬萊人進士

黃英

象山人

劉錫

饒紅旗人

李蔭越

寧夏人

金越

江寧江浦人

李天培

山西大同籍湖廣彝陵人

國朝守備

于和

郝三桂

俱順治間任

張其恭

進士

陳啓明

鄭興

漳州人

王國楨

張崇信

遼東人

劉洪恩

天津人

沈長祿

吳縣人
禮士愛民

馮清世

舉人

楊公全

鄭欽

漳州人

楊德潤

梁鳳程

呂國仁

陳銓

蘇鼎元

同安人

陳之鉉

大興人

張朝元

金華人

黃陞

龍巖人

連江縣志

卷之五

官師

三

林勛

霞浦人

名宦志

夫半璽之札兩駟之車皆下士所樂邀也而必以功庸酬
斯授之也非苟而受之也不誣否則實無以副曷稱其官
無待慶在堂而弔亦在閭始惕然榮膺之非倖也鬻子有
言民者吏之程也至卑而使之取吏焉必取所愛誠德義
之懿昭斯感述之徵遠瞻棠戀烏繫豈無由均茲系籍或
代舉一職或職擇一二人曰此則賢此則良其人往矣而
歷載思存是何道致然乎夫垂善政而播芳聲皆能以民
程者也卽凡爲吏者於此胥程焉謹於其間綴輯殊異者
連江縣志

卷之五

名宦

三五

著之篇爲後來者法

知縣

劉達唐咸通初爲連江令縣之北野東湖隋義士林堯捨
以瀦水溉民田四萬餘畝歲久埭圯奸民侵墾水利寢衰
達慨然奏復之民頌其德比之江陰芍陂廟祀湖側後知
縣李辰爲之記

鞠仲謀宋端拱二年知縣事爲政易直廉明大興東湖水
利以斗門木柱易壞伐石代之又於湖外作橋六以通水
道斗門七以蓄餘溢民與劉公並祀湖西後轉京秩景德

元年採聞望二十四人仲謀與焉

朱定字正臣縉雲人嘉祐丙申任決淹獄正役版疏湖道
威惠並行望著郡邑仁賢里白巖溪舊有橋編木爲之洪
水輒圯行者病涉定伐石成梁民德焉呼爲朱公橋

黃泳建寧人政和五年任以父僕嘗令是邑思培世德政
以愛人爲本省刑肅獄隆教敷惠增修廨宇建勸農閣以
勤稼穡又植木公庭以蔭訟者時採循良泳爲首云前歷
青田尉長樂簿並有能聲

傅伯成其先孟州人父客泉州因家焉少從朱文公學登

連江縣志

卷之五

名宦

三

隆興進士調連江尉淳熙五年復來知縣事勸課農桑裁
抑浮靡禮賢立教鋤強拯踏大興東湖水利築南埭斗門
去後民因其所鑿井名之曰傅公泉

趙善謚慶元四年任周視隱慝搜剔蠹弊百廢俱興羣僞
屏伏又修學宮以養士建斗門以利農闢南路創西院德
及於物民共戴之

趙善嵩嘉定元年任下車值旱出郊禱雨知東湖水道廢
壞卽采石甃南埭斗門以固下流歲乃不害民爲歌謠

歌見

水利志

爲政不苛嘗曰古謂治邑如烹小鮮寧可不思而致

其病哉

游義肅字子敬建陽人受齋侍郎之孫嘉熙六年任持躬謙謹宛有乃祖風為政首修學宮置田增餼濬東湖水道治九井舊基創江南橋築相公隄建平糴倉為民興利去之日民為鐫石志之

宋日隆字道大眉山人寓劍津登文天祥榜咸淳五年任時襄淮告急海氛時起日隆借餉設防一以靜鎮之民恃無恐居閒勸民闢墾生財民自不負逋又修學宮纂縣志繕廨宇作橋梁費出無算皆區畫而給不妨民間人甚德

連江縣志

卷之五

名宦

三

之去任日留其硯以志弗忘藏於庫

咸淳六年旱日隆詣寶林寺禱雨有詩云

年來試凋邑如僧坐破菴頗識衆因果寧忍事嗔貪晨殮雖不飽夜夢却自安緬懷百里內何異一室間痛癢舉切身惻怛失歡顏曾徵三異政勿見雨暑寒皇帝念閩壤擇師由從班紅旂已開闢紫氣且度關負弩擬郊迎襍被出市闐瞻彼草木榮覺此天地寬禾實吐離離泉瀉鳴潺湲一稔已可期百憂頓能刪羣來鄉土秀共祈里胥奸飛走寧有據乞取苦無端傷爾心肉剗令我眉峯攢刑非所樂用欲已良亦難五百决臀杖雄卒捏手環于以寬民力于以警貪頑亭午發丹陽薄暮抵精藍辦香謁獨覺且過借一簞臨風飽清供穿雲漫懷慙候騎未來報主僧且盤桓桑下無三宿挑包過別山按日隆先任贛州知錄部民為盜所殺驗其傷痕則斧劈也前官疑其鄰木匠殺之拷掠成獄日隆覆鞠見一小兒與獄卒語遽呼兒詰其故對云一人在茶肆予錢五十文令聽勘事何人承認因捕其人至此之曰爾殺人奈何累無辜其人懼服木匠脫死趨陞是邑

范希節鄞縣人明洪武二十二年以人材任時歲歉務繁
獄訟勞起希節聽斷得平以明允聞數年敦本務農修東
湖開諸渠以滋灌溉民至今懷之

李鳳字昌符潮陽人洪武間以儒士任廉潔剛介蒞職忠
勤創觀稼亭於廳後以寓省耕深意而稅以時徵民稱不
擾

侯炯字啓明南豐人以御史左遷永樂改元政令一新興
廢宣滯繩頑糾奸四境帖然濬九井闢衢巷上下稱便擢
陝西僉事

連江縣志

卷之五

名宦

三

歐陽瀚泰和人景泰五年以舉人任才識明敏操守清慎
獄無冤滯門無私謁歷任數載爲民建利祛害時東湖歲
久爲豪民侵墾瀚清復湖界砌斗門濬支塘水利大興新
學宮城隍廟及橋梁道路貯穀備荒諸政畢舉民思其德

與劉鞠合祀焉

邑人趙雍爲頌云連江爲邑肇自李唐提
封百里環水爲疆民業有繼務於農桑孰

治溝洫安於故常我侯之至天惠其良勤恤民隱俾究厥
詳民曰旱潦乃田之殃瀦洩有備歲必豐穰我侯曰噫吾
知其方工不違時于農無妨費出于田主任其償謀之者
老僉曰允臧委之義官各盡所長乃新斗門斗門有梁發
石累土砌其兩旁始自東湖有亭其鄉劉鞠之祠荔丹蕉
黃傅泉趙堙南北相望誰其興之侯爲破荒惟彼珠浦其
水泱泱比于新亭東注湯湯乃若亭崎山下橫塘遠近必
達四澤沛滂縱閉有闢一弛一張斗門旣固旋復支塘自

源徂流恤乃隄防以灌以漑轉歉爲祥民曰我侯我民用
康前有劉鞠今有歐陽士曰我侯福民者昌刻銘於石永
振休光我作斯頌媲美甘
棠凡百有位視此不忘

郭軒字文載景陵人弘治戊午以舉人任朔望入學宮與
諸生講學習禮考選塾師以訓童蒙又改建先師廟修築
相公隄整壇宇濬水道諸務咸飭尋卒祀於學宮

袁鑑字慶昭揭陽人嘉靖二十二年以舉人住宅心平恕
蒞事詳慎時有兇徒行劫波及無辜鑑多方廉察別其首
從刑無濫及衆心俱悅居官六年清介節儉始終如一嘗
手植數樹於公庭民撫之若甘棠嘉靖二十七年調上元
連江縣志

卷之五

名宦

三

令尋陞常州府同知以督造戰艦奉差詣閩士庶攀車至
邑眷戀如父子不忍捨去先是

郡判徐訪浙之金華人精敏練達以嘉靖十八年署連篆
時邑治無城山海有警數被患訪心籌之爲大憲陳建城
之策未報可訪去寇復蹂躪當事方思訪言會邑人王德
溢亦上其議乃飭建城度經營才無以易訪仍命董其役
始十九年冬迄二十年夏告成監督勤敏力役均平不擾
鑑至而城築小康拊循畢至皆斯民所重賴也

張聘夫字時珍婺源人隆慶初以舉人任先是邑中豪數

起生事官每聽政輒闕於堂以嘗之數捕治不能禁聘夫
笑曰此易耳坐堂上重門洞開進牒者諭之曰鄉誼至重
官法難假與其告而悔無寧忍也可退思之其人旣去復
入則又諭曰思未審耶鄉里何無居間者其三思之次日
他有牒者仍如是諭之人知令意在息訟自是非大故不
敢妄干庭閒無事惟靜坐讀書而已善飲酒每醉吏陳牒
請判冀乘其醉溷之聘夫愈益精明時倭亂後賦役繁重
催徵不動聲色處以和緩尤加意學校刻薛文清語錄及
禮訓頒示諸生與之剖拆言簡而理明經其造就者皆成
連江縣志

卷之五

名宦

四

善士任三載清淨不擾每對民詢疾苦若家人父子民忘
其爲官也以不能順承上指改鄖陽教授中丞王世貞稔
其學行疏薦於朝曰科目遺珠六館大乘尋陞國子監博
士
蕭毅字古心萬安人萬曆二十二年以舉人任慈良敦樸
治尚清簡常榜於門曰鄉下有田勤去種庭中無事莫來
行有訟者輒戒之曰訟非好事小破爾財大破爾家無以
爲也徵輸自較自封令里役給照予之案上與之對核民
有牲畜薪炭之類悉聽抵稅給各役工食兩皆稱便庭無

一事吏胥朔望聽點而已凡砌城修廨皆僱工爲之不役

一人蒞任九載

董應舉序作五年未知孰是

追呼不擾雞犬無驚竟以

不徇上意解組衆保留不獲去之日相與遮道攀轅數日

不得行圖像祀於治門之左

郡紳董應舉送蕭連江歸里序云問令君於連江則覺吾

張君其至矣歷四五十年無問士若民稚童女婦生未見公者皆曰張公賢邈前後無匹者問孰繼之翁曰今蕭侯無問稚童女婦菁聚野處塵居皆同聲某歸自京師聽於臚言心異焉問其治狀與者曰吾未知役者五年矣田者曰吾輸賦之無左驗自疇始人始吾噤而重輸靡所控也侯至而始給驗又無重耗吾入而輸出而高枕矣里長職歲日噫吾斯役向非二三十金不能辦今不費一文矣市者曰吾操於奇贏侯息我以生絕無公市吾得飽其妻子者侯也訟者曰孰鼓吾爭而以訟爲戲孰柔吾心息吾氣使我退而自解散者非侯耶山海之民爭不能一糶米憤

連江縣志

卷之五

名宦

聖

盈而荼毒甘其心大至抵償無訴者侯至而此風息所全活人無數矧金矢不入乎侯吾慈父母也某聞而歎曰有是哉向吾所未聞也夫官爲民設也得民矣而他又何求焉未幾而侯以註誤行百姓奔留於上不能得幾至罷市槃氏之種聞之亦出涕曰吾無賦而縣賦吾麻侯不賦吾麻也柰何去我乎士之愿者亦曰侯無他惟民之恤慈母心獨苦也侯既行艤舟於江百姓跋涉攀而號者數十百人某前酌告侯曰古心使古心幸以高第聞大不過名爲御史次郎屬又次州刺史郡丞已耳近歲以御史敗者比此而郡丞刺史一再轉秩毛吹而去者衆矣孰如今日榮乎昔覺吾之歸也亦以左遷當時國論與今日人心果孰爲得乎侯非有今日之遭何以速星奔之民雪槃氏之涕使予三嘆而不能已也然則斯遭也所以揚五年之苦心獨知獨念而不以告人者侯何不愉快焉獨某出山既久雖聞侯矣不知其得民如是之深歸而深知矣而不走聞之當道使侯至此不能無悵然者平生嘆息張覺吾不可得及見庶幾其人者而又至此然則賢令君果不可爲也侯笑曰覺吾何人吾能配之然不有今日何以邀先生

之言吾榮多矣
遂開纜

于可舉字

湖廣澧州人崇禎壬申以舉人任平易近

民刑清政簡常出郊勸農雖村姑野婦亦持酒饌相餉輒為浮大白加之慰勞素饒才勇海寇劉香薄城時承平日久士民倉皇可舉登南城敵樓上連發三矢殲其渠魁賊氣奪遁去城賴以全巡撫鄒維璉發金幣旌之又以東岱為賊入治要衝造銃城扼其險為百年禦患計洵保障良司牧也
董應舉有東岱銃城記見城池志中

楊繼生字爾序閩中舉人初授太倉諭

連江縣志

卷之五

名宦

聖

國朝順治癸巳令連經術淹洽清介有守時天下初定邑無重兵海鯨大至飛書索餉繼生嚴詞拒之但曰封疆之臣有死封疆而已海帥楊又衡以同籍又同姓屢書招降繼生屹不為動丙申七月中旬閩安鎮陷報至集紳士於明倫堂誓死守手持鐵鞭日夜登陴八月二日賊萬餘攻城援兵不至四日城陷繼生不敵奔縊觀音閣妻劉氏同時投縊家人死者相繼士民哀之立殉難碑閣旁以表其忠子億聞變自閩中跋涉二千餘里負遺骨以歸途者哭震野壬戌間知縣王仁灝祀之學宮

王孚字顒若高淳人康熙癸未進士甲午銓選得連江令勤敏將事清慎自矢邑舊有大當每圖甲十年一值供億維艱又例派民夫應役時苦奔命旣奉

旨禁除而里長甲首名色猶存孚欲去鈐轄之害飭令甲首自出擇所附民樂更生好接引後進時與諸生課藝論文爲之洗眉剔眼銖黍無爽肫款誘導閱九載如一日東岱定海爲內地要防兩堡城頽日久請憲發帑暑雨寒霜往返督造朞年工竣遂勞動得疾或以爲憂慨然曰鞠躬盡瘁死而後已吾分也及卒士民哀慟總制滿保重其賢

連江縣志

卷之五

名宦

四三

遣官致祭焉前孚數十年有以藩幕署連篆者曰

王章號酉山萊陽人亦名進士也變亂後弁兵橫虐每以重息磊民子女章格以三尺兵爲戢服連俗爭競不勝輒服鉤吻數傾人產章瞿然曰縣官不以人命爲奇貨誰肯輕生者凡有自毒置勿理澆風漸息秋海鯨陷馬漚輕騎撫其痍傷集遺黎而還辛丑山寇出沒兩堡百總閭榮往剿營將張有才罪兩堡爲寇耳目請督府疏戮之章不可曰兵不能禦賊反戮無辜如天道何力爲申辨事得寢有部使者核民逋賦諸生負者纍纍章憫其貧爲多方償補

保全甚衆使者索部費章敝帽舊服進謁言連民苦兵又苦寇既不聊生不宜重困使者奉

天子命當加意拊循使者唯唯而去辛丑春

朝議遷瀕海居民章不忍殘黎騷擾因節巡界諸大吏供役督府重章為人戒其下勿犯且曰僚屬清正獨王某一

人耳生平博極羣書為文蒼妍沈鬱在中原諸名手之上

學者宗仰之二王令並以文學顯而撫茲海邑噢咻保護

弊室而利滋迹其所為生民皆性命也學道愛人信哉

兩堡士民碑頌王酉山云連控閩東負山襟海萑苻所叢自南方弗靖以來久為戰衝其在斗絕之濱盜所踞伏至則如

連江縣志

卷之五

名宦

四

餉虎者畏其拏決退復懼求猿者禍於林木是以讐慄顛危彼此重足遠近所見不可殫述而吾馬漚透兩堡歲在庚子實罹斯酷苟非安集得宜吾儕小人不知採為何物我父臺王公以鷁筵清列屈守名藩署吾連篆剛以戢暴慈以字孤市無晝闕村無夜呼威明廉斷吾儕方歌來暮而兩堡變起不虞當是時也餘皇千翼狂飈送颿瞬息登陸智不及謀勇不及角兩堡繼墮如隼之攫張斷環蹲擇人而矐惟公以為擊之則盜殄吾民縱之亦民糜於盜譬之蛇蝮螫膚欲剔厥毒不忍斷蹠是用疾痛徬徨而出吾民於湯火雖然釜魚籠雛暫辭烹炙遊魂未蘇不可遽役况可以櫛公復多方撫摩力請災傷停我差徭緩我追徵養我敗鱗殘翮而後乃今得厝於衽席嗚呼以交斃之勢命有必窮今所貽者伊誰之功此不敢必之天地父母而遽得之我公是以同聲謳頌壽之龜跌譽以永終其辭曰昔王京兆業炳漢前維嶽再誕一身後先威鳳孤鷄並翥齊翮不茹不吐靡愁左遷閩南有慶乃及吾連兩堡之阨公解其懸鱸峯插漢馬水澄淵思我公恩互海際天邑人陳元登撰

縣丞

趙善臚漳州人宋慶元間由進士任修常平倉易以新米
興水利賑貧民嘗獲刼盜疑其非辜物色之果得其實會
有潢池之警設伏浚壕賊知有備遁去秩滿遷保昌令終
朝散郎

商準蘇州人明洪武八年由人材任資質明敏吏事精勤
多匡贊功修先師殿拓社稷壇懋績可紀民思之諺曰佐
邑有商下民不傷

典史

連江縣志

卷之五

名宦

五

趙真開封人明洪武間由監生任冰心苦節不讓古人捕
盜禁奸夙夜盡瘁民皆懷其德

唐相灌陽人明正德十三年任時縣宰吳笈貪且酷民苦
之訟者皆願判於尉相決之無枉或以勢脅之相曰位雖
可脅心得而脅乎流賊入縣率兵禦之挺身出諭而賊
退修東湖浚支塘事畢民謠曰唐公爲我興水利功旣竣
兮我不費思昔劉鞠二公兮不過是

別文惠富平人

國朝順治十七年任約已愛人不畏強禦連俗端午競渡

耗財起爭兵荒後久廢知縣周雲龍欲復之文惠以五難
爲說畧謂糜民無窮之財以縱耳目數日之觀不惟無益
且長澆風以此拂周意不恤也東湖爲遷民占墾念切興
復常以位卑爲嘆及洪水崩隄力任修築躬操畚鍤與民
同役卒於官貧不具殮民哀焉

訓導

薛俊字尚卿揭陽舉人性孝友弘治間司訓於連氣度寬
和儀範儼雅人士翕然宗之幼從鄉先輩陳琨講性理之
學而教其弟侃及侃受業陽明先生歸有所得俊反師事

連江縣志

卷之五

名宦

吳

之陽明稱其篤學勵行能勝有我之私擢國子學正聞母
喪哀慟奔至貴溪卒邑祀名宦潮州亦祀鄉賢

巡檢

劉濬字濟川河南人元至正間任寧善鄉巡檢時江西劇
賊王善寇閩濬妻史氏有才畧盡出其奩物佐濬募兵賊
破羅源分道入福州濬拒戰於境上中箭墜馬子健下馬
掖之俱被執濬罵賊而死健亦不屈賊義而釋之使瘞其
父健歸詣帥府請兵復仇弗聽乃盡散家貲結死士百餘
人詐爲工商流丐入賊中夜半發火大噪賊驚擾自相屠

殺遂斬善等以獻事聞贈濬福建行省檢校授健古田尹
詔立祠於福州門外有司歲時致祭

論曰名者實之賓也宦以名聞非德洽於人心功揚於殿
最庸稱哉夫建官涖事道存王者而表徽旌淑直在斯民
官斯土者或興水利或崇文教或勤謀田疇城社或力持
名義綱常雖職分大小而功德用章均於其官無所負宜
生爲父母之戴沒有俎豆之思也昔房彥謙宰長葛治行
最天下及擢郃州司馬吏民懷其德志之以碑陸雲爲浚
儀令境內大治及其去民爲圖像配食城社古今之民心

連江縣志

卷之五

名宦

七

一而已矣苟其樹之儀型溥爲風愛化被所暨雖佩犢之
俗可變懷壘之梗易馴百世追思曷其能已連官師列之
學宮者自唐劉鞠歐陽及

國初楊繼生十一人久在論定其餘賢令以及丞尉雖尸
祝弗及而流連往蹟亦足稱談傳之庶以發幽光而補祀
典之缺也若夫風波震蕩一匏千金間亦有焉然大節不
終卽生民賴之而論者無取嗚呼如若人者使其慎所自
持至今與諸君子彬彬史冊矣

戶口志

天立君所以爲民天生民亦所以爲君昔者司民三歲大
比獻其數於王王拜受之登於天府以爲斯民皆天之以
命王者也於是頒之職事十有二復爲本俗以安之保息
以養之蓋其仰答乎天之所命者無容以或輕而獨治乎
上者不能兼營乎下故於鄉於官於兵於田及致以大事
考以大故其於民也皆不得已於役然用之不得已而猶
均其土地與其力政蓋甚寬而有節故熙熙之衆益以慶
生聚焉連之版籍著於宋

連江縣志

卷之五

戶口

四六

宋計天下戶口分爲主客連主戶載一萬三千九百二十
一口載三萬九千五百七十四客戶四千七百九十六口
載一萬三千七百五十五外有八十一戶曰官九十五戶
曰寺觀蓋主戶者土著之民客戶者外邑寄庄守米之屬
而若官若寺觀皆隸籍茲土者也其科差以丁力多寡與
資產之高下

元制戶分南北仍及僧道可考者惟至元間南人二萬三
百七十三戶北人六十五戶僧尼五百七十名道士七十
名餘不悉載時科差則有絲料包銀夫役之目皆視丁力

爲輸辦然兩朝之徵派爲數幾何亦猶無所稽

明洪武三年卽令民以戶口自實具姓名年數貫址夫家呈之官以上達公府十四年頒黃冊式於天下戶有數等曰民曰軍曰匠而民之中又有儒有醫他如校尉力士弓鋪兵皆軍屬也廚役裁縫馬船諸色皆匠屬也至近海有鹽寺有僧觀有道士各以本業占籍復於民戶多丁者許分析另編獨軍兵不與恐以異籍滋規避耳丁有成丁其曰成丁十六以上也曰不成丁十六以下也役以成丁六十而免以一百一十戶爲圖推十戶殷實爲里長餘百戶

連江縣志

卷之五

戶口

四九

分附於十戶爲甲首甲各十戶以一長攝之同一版爲全圖不能十戶爲半圖至丁糧絕少鰥寡孤獨不任役者繫圖版後爲畸零令有司以期計老幼存亡十年而冊一更連之編是年者一萬四千八百零四戶口則六萬五千六十七越十年而爲洪武二十四計其戶則減二千一百有五口則減二萬七千五百有八十時不周紀民數懸殊永樂十年戶則九千六百八十八口則二萬三千八百而奇七後此宣德正統無徵矣至景泰三年戶六千八百三十九口一萬七千五百五十七天順六年戶六千四百八

十一口一萬七千三百有五十成化八年戶六千奇二十
八口一萬六千九百二十八十八年以戶則存五千九百
有八以口則存一萬六千八百一十七計自洪武十四年
至是九十二年間戶之減者八千八百九十六口之減者
四萬八千二百有五十是戶十去其六口十去其七八矣
何生息久而反凋零乎抑不欲多其數而爲民累任其脫
漏弗之計也弘治又缺不及詳惟正德七年戶六千九百
有二較前而增九百九十四口一萬六千九百一十三較
前而增九十六嘉靖元年口如舊數而戶仍減六百三十

連江縣志

卷之五

戶口

五

二續歷隆萬天啓俱失所載

府志載萬曆六年行條鞭時戶六千三百七十八口一萬

四千八百有二
內女口俱免差

大約額不及前當季代海疆多故兵燹之

餘逋移耗損又無怪其然耳崇禎時編審兩次十五年黃
冊未成茲不具論按其六年戶五千三百六十四口一萬
五千十九丁五分揆之嘉靖抑又減焉其視洪武初相去
奚啻倍蓰哉至於徵派則論丁不論戶以丁卽戶所屬也
然弘治以前丁與稅十年一徭役而已後則一丁準米一
石雖無田而石米之稅常存而民始困矣

國朝戶口征銀因有明之舊順治十三年戶額亦五千三

百六十有四口爲男凡八千一十二五分女凡七千有七
其間所徵有優免者派鹽鈔物料銀八分一釐四毫零額
一千二百四十三丁爲銀一百一兩二錢九分而奇也無
優免者加派綱徭兵三差銀二錢一分六釐四毫零額六
千七百六十九丁五分并鹽料共銀二千一十六兩八錢
八分四釐而奇也外女口亦派鹽鈔銀一分六釐五毫零
額七千有七爲銀一百一十五兩九錢二分八釐而奇也
康熙九年戶仍舊而男丁溢二百有二合之得八千二百
十四丁五分女口溢五十合之得七千五十有七二十年

連江縣志

卷之五

戶口

至

後凡十年兩值四十五年溢男丁一十有六溢女口有七
越康熙五十以丁則增八十七以口則增五十九後悉如
舊額可不謂林林總總生齒殷繁者耶乾隆二年戶無增
減而男丁計八千三百十七丁五分女口計七千一百二
十三是亦依康熙五十年之數取其不缺額而已其康熙
五十五年以後所報滋生增益男丁凡六十有五女口凡
四十有五則欽遵

恩詔永不加賦者也夫數十年休養而蕃庶有加固理之
常但使君人者能體乎天之所命盡如

聖世之仁永為斯民寬卹誠亦樂矣而或不然則登籍者多徵賦必廣飾戶口以博隆名此豈盛德事哉里長者卽周人比長閭胥之職秦漢之里魁亭長唐宋元之坊正里正也洪武以來皆歲更宣德初用戶部建言充以糧多丁盛之人自是非逢大故不改易連圖四十有二分甲立長按年挨次通閏十有二月理辦公務謂之大當如子年一甲則集各圖之一甲承管上役催戶丁以催糧米備器物以應官需又有日綱以奉鹽菜庫照以給徵收迎春有金花歲科有考綱諸凡供億惟里長是問而里長亦通勾甲

連江縣志

卷之五

戶口

五

首是或古役法所不廢也惟是里長之鷹梟者或恣濫派或肆凌虐雖零星窮戶力不能支亦皆勾攝幫差每有當一役而質田貸息典鬻無算者矣

前此七一都定海居人戶口散附四十二圖多

為里長所虐其地有蔡啓自者因以增戶為名於康熙四十五年間率諸散附者欲自拔別立一圖曰定海圖但人丁稀少多以詭名成數招集他邑之人以實之而募籍之害以起四十八年經舉人陳道峻孫發曾陳懋士民鄭朝錄吳俶陳佐禹黃欽等僉控撫憲張公伯行檄延建邵道陳公廷統審所報丁十虛其六將實數另編七一圖軍戶總甲蓋以七一原屬定海地故也其數卽五十年所增八十七者是後二年啓自復賄司府承飭立七一下圖希以下圖代定海之名又經貢生楊錕陳潤士民孫良輔陳修士吳沛達等上控撫憲覺羅滿公保檄查申詳悉依原議案始定雖其變詐不測亦由里長之橫有以激之而然也事更三年糜財無數其可不思所自哉

在丁有

里甲之分在米有多寡之異米之多者甲數十石至數百石少者不過十餘石以十餘石與數百石較懸隔霄壤此責其一槩奉公毋乃以不堪命而眊眊胥讒乎且徭役之銀旣已均編而復責以公務是合差與雇而兼之也而尤不平者連之田多鬻省會省戶巧於遁匿如本年一甲當役則移其糧米於八九甲迨役當五六甲而八九甲將屆復移其糧米於一二甲是會城富戶終身不服一役土著窮民丁口在冊不能移動者永受派徵之苦嗟乎朝廷卽戶口以驗蕃庶斯民緣戶口以致凋殘苟非一二賢有司

連江縣志

卷之五

戶口

五

善行其法乂安何日之有康熙三十一年知縣張雲槎詳定每甲官丁二十丁民米二十石每丁人石米各當役十日除周歲三百五十餘日外剩日議貼頭綱名曰丁半米半亦曰丁平米平可謂清從前積弊而鑑空衡平無踰此矣後此大當禁革固有聽民出甲爲下里窮簷之計者但恐他日里役復興則丁平米平之法當爲有利而無害也雍正二年巡撫黃國材憐死亡賠累民不勝苦議以丁糧歸田糧每兩勻銀一錢七分有奇論者以爲丁糧除而冒籍垂涎田糧加而置產維艱然丁糧雖勻而編審未改誠

於去故收新之頃爲民牧者廣其咨詢爲戶首者慎其冒
頂舉逃亡絕戶悉以甲內餘丁承補無任異地者混入其
中而篡籍之弊自無由興若賦增有田之家而窮民紆困
無貽剗肉醫瘡病痛此讀聶夷中之詩惻然心動而播爲
實政者其不謂之仁歟昇平日久滋生益盈旣無額外之
供且勿丁中之稅於其不得已而用者要不失先王寬而
有節之良法天以民爲君必以君爲民正謂此也山僻零
丁海隅貧戶追呼之聲無聞長吏之庭勿踐民生斯時不
亦休哉

連江縣志

卷之五

戶口

五

